

Årsmelding 2021 Hjelmeland Frivilligsentral



Frivilligsentralen vert drive av Hjelmeland kommune og er organisert under kulturseksjonen med lokale i Vågahuset og har dagleg leiar i 100% stilling. Dagleg leiar har vore konstituert kulturleiar frå juni og ut året. Anne Spilde vart engasjert som vikar i 80% for dagleg leiar i to månader på hausten. Mari Hetlesæter og Benjamin Strømsvold var tilsett som aktivitetsguidar i juni og juli. Frivilligsentralen har profil på facebook, instagram, frivillig.no og [nettside](#). Hjelmeland er medlem i [Frivillig Rogaland](#) og [Norges Frivilligsentraler](#).

Kommunestyre som årsmøte for sentralen vart halde 14.4. Hjelmeland kommune fekk i 2021 kr 440.000 i øyremerka midlar fordi kommunen har ein frivilligsentral.

Desse sit i styret for Hjelmeland frivilligsentral:

Harald Ommundsen (formannskapet, vara Kristin Kostøl Helgeland, 2019-2023)
Egil Hovda (Råd for msk. med nedsett funksjonsevne 2019-2023, vara rep eldreråd)
Grethe Gauthun Olsen og Gryta Krasikoviene (representant frå frivillige 2021-2023)
Camilla Haug Flem (repr. administrasjonen, vara Martha Ommundsen, 2019-2023)
Svanhild Hjorteland Gbada (vararepresentant for frivillige 2021-2023) (møter fast)
Kulturleiar (observatør med møte og talerett)

Styret har hatt 4 styremøter: 21.1, 27.5, 9.9, 18.11 og handsama 20 saker.

Noko av frivilligsentralen sin aktivitet har vore redusert på grunn av pandemi spesielt frå januar til juni. Det har vore ein del meirarbeid med avlysing/flytting og tilrettelegging av aktivitetar. Likevel er mange aktivitetar gjennomført i følgje gjeldane smittevernreglar. Sentralen sitt arbeid har også vore redusert i hausthalvåret på grunn av vakanse.

Utførte delmål frå handlingsplanen; mange frivillige har fått bidratt med det dei kan!

1. Leggje til rette for å styrkje og fremme frivillige lag og organisasjonar.

Følgd opp kommunen sin [frivilligstrategi](#) den vart revidert i 2021. Hjelmeland kommune sendte innspel til høyring for ny forskrift for tilskotsordning for frivilligsentralar. Dagleg leiar er kommunens kontaktperson ovafor bygdaråda. Arrangert årleg kontaktforum på teams 5.1. Oppretta [foreningsportal](#) med kontaktinformasjon til frivillige organisasjonar, motteke støtte frå Frivillig Rogaland til dette. Gitt råd til frivillige lag som vil søkje om eksterne tilskot. Arrangert frivilligtorg i Hjelmelandshallen 31.10 med støtte frå DnB/Amedia.

2. Stimulere til auka deltaking for å motverke utanforskap.

Vore samarbeidspartnar i folkehelsearbeidet og innehatt lokal knutepunktfunksjon for [nasjonal tilskotsordning for inkludering av barn og unge](#) i samarbeid med NAV, SLT-folkehelsekoordinator, barnevern, helsestasjon.

Tiltak for barn og ungdom i skuleferiane med støtte frå Bufdir og Gjensidigestiftelsen: Pop up med aktivitetsguidar i juni og juli. To dagar dansekurs i Vågen. Familietur til Kongeparken. To aktivitetsdagar på Furutangen. Sankefestivalen ved Turlaget. Full fart aktivitetsveke ved Idrettslaget. Familietur til Nedstrand klatrepark. Teiknekurs ved kunstlaget. Familieturar til Suldal bad i sommar- og haustferie.

Vore samarbeidspartnar i høve til inkluderingsarbeid for flyktningar. Tilrettelegging og informasjonsarbeid slik at fleire har kunne delta i fritidsaktivitetar. Delteke i ressursgruppe for folkehelse.

Organisert eldre ut på middag ei veke i juni med støtte frå Statsforvaltaren i Rogaland. I samarbeid med Smaken av Ryfylke, Årdal Taxi, Jøsneset transport og eldrerådet og Frivillige lag. Stor deltaking. Suksess!

Utstyrsbanken hadde rekordutlån av skøyter og ski i starten av året. Hjelmeland kommune inngjekk i mai samarbeidsavtale med [frilager.no](https://www.frilager.no) som gjer at innbyggjarane i Hjelmeland får eit mykje større tilbod om sports- og friluftsutstyr. Utlån er gratis til barn med fritidskort, frivillige organisasjonar og kommunale avdelingar.

Sykkelverkstaden har hatt liten aktivitet. Hosam Alsousi har vore innleigd på timebasis som reperatør på sykkelverkstaden på ettermiddag/kveldstid.

3. Koordinering og vidareutvikling av frivillig arbeid.

Rekruttert og koordinert frivillige til språkkafé 8 onsdagar, kafé Årdal omsorgssenter 4 onsdagar, open møteplass for eldre 14 fredagar, kafe Grøna rommet 14 onsdagar.

Arrangert digital årssamling 10.2. Tur til Utsira i september i lag med Bygdekvinnelaget, stor deltaking. Inspirasjonssamling for frivillige i desember. Samarbeid med Trygg Trafikk om informasjon og forebygging. Markert refleksdagen. Arrangert 6 konsertar med støtte frå Tysdalsfondet på omsorgssentra og koordinert «Den kulturelle spaserstokken» 4 arrangement på biblioteket med støtte frå Fylkeskommunen. Koordinert NRK TV aksjonen i oktober i samarbeid med komité og bygdaråda. Koordinert strandrydding; engasjementet vart noko redusert, hovudårsaka var truleg smittevernrestriksjonar.

Møter, konferansar og eksternt samarbeid

- Frivilligsentralen eit hjarta i lokalsamfunnet, på teams 18.2
- Årsmøte/ fagseminar Frivillig Rogaland, på teams 25.2
- For alle konferansen, SR bankstiftelsen, digitalt 21.4
- Regional partnerskapssamling folkehelse, på teams 22.4
- For alle samling digitalt v/SR bankstiftelsen 25.5
- Anne Spilde deltok på møte på Sola med fylkeskomiteen for TV aksjonen 25.8
- Samarbeid og utviklingsforum i Rogaland, på teams 19.5, 19.11, 25.11.
- Aktive saman, seminar på Klepp 6.10, 3 deltakarar frå Hjelmeland
- Åsmund Sigmundstad deltok på nettverksleiarsamling og fagkonferanse på Gardemoen i 1.-3. desember
- Hjelmeland er med 7 andre sentralar i nettverk. Åsmund Sigmundstad har nettverksleiarrolla og sekretærvervet i styret for Frivillig Rogaland, Hjelmeland kommune fekk 20.000 kr i 2021 som kompensasjon for at desse verva er lagt til Hjelmeland.

Årsmeldinga vart godkjent av styret i Hjelmeland frivilligsentral 7.2.2022.